

穀蒲陶諸果糞治園田地下溼生稻冬食生菜其民巧

雕文刻鏤治宮室織罽刺文繡好治食有金銀銅錫以

為器市列師古曰市有列也以金銀為錢文為騎馬幕為

人面張晏曰錢文面作騎馬形漫面作人面目也如淳曰幕音漫師古曰幕即漫耳無勞借音今所呼幕

皮者亦謂其出封牛水牛象大狗沐猴孔爵師古曰封牛項上隆

起者也郭義恭廣志云罽賓大狗大如驢赤色數里搖靴以呼之沐猴即彌猴也珠璣珊瑚虎

魄璧流離孟康曰流離青色如玉師古曰魏略云大秦國出赤白黑黃青綠縹紺紅紫十種流離孟

言青色不博通也此蓋自然之物采澤光潤踰於眾玉其色不恒今俗所用皆銷治石汁加以眾藥灌而為之

尤虛脆不貞實非真物它畜與諸國同自武帝始通罽賓自以絕

遠漢兵不能至其王烏頭勞數剽殺漢使師古曰剽劫也音頻妙反

乾隆四年校刊
前漢書卷九十一
西域傳
十一